



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Na osnovu člana 67. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) i člana 8. stav (1) Uredbe o dodjeli sredstava za održivi povratak ("Službene novine Kantona Sarajevo", broj 26/23), Ministarstvo za boračka pitanja Kantona Sarajevo raspisuje

JAVNI OGLAS
za podnošenje zahtjeva fizičkih lica za dodjelu sredstava za održivi povratak
u mjesto predratnog prebivališta za 2023. godinu

1. Predmet javnog oglasa

Predmet javnog oglasa je podnošenje zahtjeva za dodjelu sredstava za održivi povratak u mjesto predratnog prebivališta licima iz člana 1. Zakona o dopunskim pravima boraca-branitelja Bosne i Hercegovine (u daljnjem tekstu: Zakon) koja su sa područja Kantona Sarajevo (u daljnjem tekstu: Kanton) ostvarila povratak u mjesta u koja su imala prebivalište, odnosno boravište prije početka agresije na Republiku Bosnu i Hercegovinu.

2. Pravo učešća

Pravo učešća i podnošenja zahtjeva za dodjelu sredstava za održivi povratak imaju lica iz člana 1. Zakona koja su sa područja Kantona ostvarila povratak u mjesta u koja su imali prebivalište, odnosno boravište prije početka agresije na Republiku Bosnu i Hercegovinu, pod uvjetom da su prebivalište, odnosno boravište na području Kantona imali i na dan 06.02.1999. godine.

3. Uslovi za dodjelu i korištenje sredstava za održivi povratak

Sredstva za održivi povratak se mogu dodijeliti licima iz člana 1. Zakona pod uslovom:

- da su ostvarila povratak u mjesta u koja su imala prebivalište, odnosno boravište prije početka agresije na Republiku Bosnu i Hercegovinu i da su prebivalište, odnosno boravište na području Kantona imala i na dan 06.02.1999. godine, a u skladu sa raspoloživim sredstvima na budžetskoj poziciji Ministarstva za boračka pitanja Kantona Sarajevo (u daljnjem tekstu: Ministarstvo);
- da imaju i riješeno stambeno pitanje na području prijeratnog prebivališta, odnosno da im je omogućen nesmetan povratak u prijeratno prebivalište putem sanacije postojećeg ili izgradnjom novog stambenog objekta;
- da pokreću ili već obavljaju poljoprivredne, proizvodno-uslužne i druge djelatnosti, a sve u cilju obezbjeđivanja uvjeta za održivi povratak.

Sredstva za održivi povratak su bespovratna i odobravaju se u visini najviše do 12.000,00 KM, a od ukupnog iznosa odobrenih sredstava najmanje 60% sredstava plasira se za nabavku stalnih sredstava, opreme i roba, odnosno izvršene usluge, a najviše 40% u novcu za tekuće troškove.

Sredstva za održivi povratak se po odobravanju, odnosno po donošenju odgovarajuće odluke plasiraju putem Ministarstva na račun korisnika a nakon potpisivanja odgovarajućeg ugovora.

U slučaju nenamjenske realizacije dobijenih novčanih sredstava za održivi povratak korisnik sredstava, odnosno lice kojem su sredstva odobrena će biti u obavezi da ista vrati u cijelosti.

4. Podnošenje zahtjeva za dodjelu sredstava za održivi povratak:

Zahtjevi za dodjelu sredstava za održivi povratak podnose se Ministarstvu, na uredno popunjenoj aplikaciji za podnošenje zahtjeva, putem pisarnice Kantona ili poštom na adresu ul. Reisa Džemaludina Čauševića br.1, 71000 Sarajevo.

Aplikacija za podnošenje zahtjeva se može preuzeti u info punktu u pisarnici Kantona ili na web stranici Ministarstva (mbp.ks.gov.ba).

Uz zahtjev je neophodno priložiti svu potrebnu dokumentaciju.

5. Potrebna dokumentacija:

- a) kućna lista;
- b) uvjerenje o pripadnosti Oružanim snagama RBiH -Obrazac FMB-3a (izdato od nadležne Grupe/Samostalnog izvršioca za pitanja evidencija iz oblasti vojne obaveze sa obaveznim navođenjem činjenice vezano za postojanje/nepostojanje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07, 9/10, 90/17 i 29/22)), rješenje o ličnoj invalidnini i uvjerenje da je korisnik lične invalidnine, rješenje o porodičnoj invalidnini i uvjerenje da je korisnik porodične invalidnine, kako za korisnika prava tako i za članove porodičnog domaćinstva;
- c) uvjerenje ili potvrda o kretanju izdato od strane nadležne policijske uprave MUP-a Kantona Sarajevo (kao dokaz boravišta u Kantonu Sarajevo);
- d) dokaz o ostvarenom povratku u mjesto prebivališta, odnosno boravišta prije početka agresije na RBiH (uvjerenje o kretanju izdato od strane nadležne policijske uprave MUP-a entiteta Republika srpska, kao dokaz o prijeratnom i sadašnjem prebivalištu);
- e) dokaz o uslovnosti kuće ili stana za stanovanje u mjestu prijeratnog prebivališta (potvrda, uvjerenje, izjava ili drugi dokaz izdat od strane Općine ili Mjesne zajednice prema mjestu povratka i sl.);
- f) dokaz o neposjedovanju nekretnine ili stana na području Kantona Sarajevo (uvjerenje iz Odjeljenja zemljišnoknjižnog ureda i uvjerenje iz Odjeljenja knjige položenih ugovora Općinskog suda u Sarajevu za podnosioca zahtjeva i sve punoljetne članove domaćinstva);
- g) dokazi o ukupnim mjesečnim prihodima-primanjima podnosioca zahtjeva i članova njegovog porodičnog domaćinstva po osnovu radnog odnosa, boračko-invalidske zaštite, penzije, samostalne djelatnosti i drugih osnova (potvrde o primanjima od firmi, čekovi od penzije, uvjerenja službe za zapošljavanje ukoliko je podnosilac zahtjeva ili član porodičnog domaćinstva nezaposlen, potvrde o primanjima iz oblasti boračko-invalidske zaštite i dr.);
- h) biznis plan - projekat za djelatnost sa obrazloženjem strukture planiranih ulaganja i priloženim dokazima o imovini i resursima potrebnim za djelatnost (zemljište, objekti i druga materijalna sredstva), odnosno predračunom ili predugovorom o kupoprodaji potrebnih stalnih sredstava.

Napomena: U postupku rješavanja po podnešenim zahtjevima, odnosno u postupku zaključenja ugovora o realizaciji odobrenih sredstava Ministarstvo od podnosioca zahtjeva može po potrebi zatražiti i dodatnu dokumentaciju u vezi sa zahtjevom (predračun, fakturu ili predugovor/ugovor o kupoprodaji potrebnih materijalnih sredstava, kao npr. za: stočni fond, poljoprivredne mašine, raznu opremu i stalna sredstva za rad, te druga materijalna sredstva koja se kupuju od fizičkih ili pravnih lica, kao i drugu dokumentaciju za kojom bi se ukazala potreba prilikom rješavanja zahtjeva i realizacije odobrenih sredstava).

6. Izvor finansiranja programa dodjele sredstava za održivi povratak:

Finansiranje programa dodjele sredstava za održivi povratak obezbjeđuje se iz namjenskih sredstava osiguranih na budžetskoj poziciji Ministarstva u Budžetu Kantona za 2023. godinu.

7. Rok za podnošenje, obradu i rješavanje zahtjeva:

- Rok za podnošenje zahtjeva je **od 24.07.2023. do 28.08.2023. godine.**
- Obrada i rješavanje zahtjeva vršit će se u skladu sa osnovnim i posebnim kriterijima za dodjelu sredstava za održivi povratak i to u periodu nakon isteka roka za podnošenje zahtjeva.
- Rezultati će nakon obrade zahtjeva biti objavljeni na oglasnoj ploči Kantona i na web stranici Ministarstva (mbp.ks.gov.ba).

8. Napomena podnosiocima zahtjeva:

- Nepotpuni i neblagovremeni zahtjevi se neće uzimati u razmatranje.
- Dokumentacija podnesena uz zahtjeve se neće vraćati podnosiocima pa se sugeriše podnošenje ovjerenih kopija navedenih dokumenata.

Broj: 06-32-33752/23

Sarajevo, 21.07.2023. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba